

## **Ursulina Monn-Deragisch, Sedrun, 1917-1997**



L' Ursulina ei naschida ils 22 da november 1917 a Sedrun sco feglia da Gion Antoni Deragisch e Benedicta Venzin. Cun ses otg fargliuns passenta ella sia affonza. Suenter las usitadas scolas tucca ei alla giuvna Ursulina da segidar cun la famiglia. Zatgei pauc eis ella era aunc stada egl jester en plazza.

Igl onn 1947 marida ella il giuven Gion Andriu Monn da Sedrun. La letg vegn benedida cun diesch affons. Bia lavur e quitau, legria e pasch portan quels als giuvens geniturs. La mumma Ursulina, pietusa e buna, educhescha ses affons exemplaricamein e porta era las cruschs ch' il Segner ha dau cun gronda pazienza e curascha. Aschia piarda la famiglia

ina buoba poppa; la mort dil carezau mariu; in grev accident avon trenta onns ed ina nauscha malsogna dalla gnarva ein stadas fridas e cruschs ella veta dad Ursulina. Sia ferma cardientsche e la speranza han gidau a surportar.

Ils consorts han fatg ina veta ora il pur e dasperas da quei da ver vegn onns caluster alla parochiala s. Vigeli. L' Ursulina ei stada ina femna tgeua e ruasseivla, da siu fatg; ei stada cheu per la famiglia, ed ei ha tuccau da luvrar spargnar e pitir.

Ils 30 da fenadur banduna ella ils ses e calonda fenadur vegn ella pertada sin santeri da s. Vigeli.